

Yugoslavian egin diran ekonomiako barriztapenak de-  
rrior sortu dabe, politika zaharra ekonomiako jokabide  
barriei egokitzeko premia.

Dibiseñ puntuan ikusi leiteke hori. Yugoslaviak poli-  
tika erdirakoi edo zentralistea eroan dau orainarte dibisa  
kontuan. Kapitala ahorratu be Belgradon egiten zan, inbes-  
tizioak be Gobernuak erabagitzen zituan eta. Lantegiak,  
euren irabaziak gorde ta aurreratu barik (inbestitzerik ez  
euken eta), irabazi-alako guztia Belgradora bidaldu behar  
eben. Politika honeri, "yugoslavismoa" deitu leitekio: Yu-  
goslaviako oinarri ta errealidade sozial plurala ahazturik,  
bertoko populua tribu bardin bat balitz legez gobernatzen  
zalako. Yugoslaviaren *batasunaren* aldeko politikea zan  
Gobernuaren ardurarik biziena. Politikan batera-zale edo  
unitarista bezala, ekonomian dirijista zan Gobernuaren jo-  
kabidea. Eta guztietan erdirakoi edo zentralista.

Gero, molde-barriztapenagaz autojestionia sortu zane-  
an, dirijismo erditarrak ez eukan zereginik. Eta lantegi  
bakoitzak, bere irabazirik andienak Belgradora bidaldu  
barik, bertan inbestidu behar zituan ezkerro, lantegi bakoitz-  
zaren eta Errepublikak federalen autonomiak berebiziko  
indarra artu behar eban nahi ta nahi ez. Autonomia hau  
oraindino gehiago indartu zan, Errepublika bakoitza aha-  
legin guztiakaz bere produktuak esportatzen asi zanean,  
eta holan lorturiko dibisak etxean gordetzen.

Ekonomia-molde barriari egokitzen ez jakon konzeptua  
bihurtu zan Yugoslaviaren politikazko *batasun konzeptua*.  
Errealidade sozio-nazionalari lehenengo, ta ekonomiako  
errealidadeari be egokitzen ez jakona gero. Agiri egoan,  
batasun zaleak, hau da, gudua egin eben komunista klasi-  
kuak, gutxien gutxienez errezeloz artuko zituela barrizta-  
zaleen asmuok. Erresumaren<sup>2</sup> batasun-konzeptua diferente  
bi baitagoz<sup>3</sup> jokabide biotan.

Autojestionia asi orduko (1950) sortu zan joera bion  
burruka. Baina, 1965-ean erreforma asmoak radikalagotu  
ziranetik, politikazko burruka be asko gogortu da. Egia  
esateko, lan arazoetako autojestionia asikeran ez zan oso  
benetakoa ta gaur be ez da erabatekoa. Yugoslavian, Al-  
derdi bakarra ta sindikato bakarra dago (Komunistea).  
Erri kontseiluetako 59 % ta erri komisinoetako 65 % Al-  
derdi Komunistakoak ziran 1958-an, eta gero be komunis-  
ten eskuetan jarraitzen dabe lan arazoak. Beraz<sup>4</sup>, lan ara-  
zoak bat eginda dagoz Alderdi Komunistaren barruagaz,  
beronen konzeptu edo buruzazino, asmo ta jokabideakaz,  
eta Alderdiaren politikagaz. 1966-an, Rankovic Lehendakari-  
ordezko erdirakoi ta stalinista kutsukoa baztertzea lortu  
eben Kroazia ta Mazedoniako barrizta-zaleak. Hareek izan  
ziran, duda barik, Yugoslavia sozialistako erri-politikak  
eagutu dituan egunik larrienak. Rankovic baztertuta, sal-  
baturik egoan molde-barriztapena.

Barriztapena, ondorio guztiakaz, azkeneraino eroateko  
arazoa biztu da orain, 1970 urtearen asikeran. Milos Zanko  
Parlamentuaren Lehendakari-ordezkoari, kendu egin deutso  
Kroaziako Alderdiak bere ordezkaritza Komite Zentralean,  
egun biko burruka gogorraren buruan. "Zanko arazoak"  
Yugoslavia osoa enplegatu dau. Euki dabe esamesarik<sup>5</sup>  
franko, hori dala ta, mundu guztiko albistariak<sup>6</sup>. Hau idaz-  
ten ari naizanean, ez dago arazoa amaiturik, eta Titoren  
esku-arte pertsonal bat itxaroten da. Sektore politika-za-  
leak urduri<sup>7</sup> dagoz.

Baina zer dago prolema honeen azpian? Kroaziako Al-  
derdi Komunistari holako kolpe espektakular bat emotera

zek eragin deutson itaundu geinke. Molde-barriztapenerako  
joera hau, Kroazia ta Eslovenia Errepublika industriatsue-  
tatik zabalduetako da gehientsu bat (ez da ahaztu behar  
Errepublika honeexek dirala mendebalera<sup>8</sup> makurtuenak  
be). Errepublika honeetan jokatzen da erreformaren etor-  
kizuna.

Baina erreformak, ekonomiaz gainera, politikan be da  
dauka zerikusirik, esan dogun legez. Beraz<sup>9</sup>, bere ondorioak  
politikan nagusi-erazo arte, ezin esan leiteke ekonomiako  
molde-barriztapena ondo finakatu danik. Ta hortxe dago  
auzia: autojestionia, erdikoikeriaren eta utilitarismoaren  
aurka ta pluralismoaren alde joanik, luzarora politikazko  
elementu bihurtzen da, demokrazia liberalaren eta prentsa  
askatuaren zuzpergarri, nazinotasun bakoitzaren indarga-  
rri, eta abar. Yugoslaviaren (oraingo) batasuna ta Alderdi  
Komunistaren (oraingo) batasuna dagoz zinez<sup>10</sup> arriskuan.  
Baina dogmakoiatzat ez dago Yugoslaviaren edo Alderdi-  
diaren oraingoxea beste batasunik.

Komunista dogmakoiak dira komunista liberalen etsai-  
rik<sup>11</sup> gogorrenak. Zanko, Kroaziako Alderdiaren ordezkari-  
tza Belgradora bidaldua, komunista zaharra ta nonnahi  
begirunez ohoratua, su ta ke ibili izan da aspaldion "aber-  
tzalekeriaren" eta batez be "kroaziar abertzalekeriaren"  
kontra. Atxakiarik ez jakon falta: 1967-ko "Izkuntza Agiria"  
ezkerotik, kroaziarrak gero ta gogorrago azaldu ditue es-  
kabide nazionalak. Gotovac idazleak Alderdiaren monopolioa  
kritikatzen eban. Kroaziako "Literatur Kazeta" biziki aber-  
tzale ari<sup>12</sup> zan (Zanko arazoa baino lehentxuago debekatua  
izan da aldizkari hau). Kroaziako uriburuko Zagreb-eko al-  
kateari be, abertzalekeria leporatu eutson Zankok, eta al-  
kateak erretiratu egin behar izan eban. Joan dan abenduko  
idazlan sail batean, latz eraso<sup>13</sup> eutson "Borba" Belgradoko  
egunkariak<sup>14</sup> Kroaziako Alderdi Komunistaren buruzagitza-  
ri. Eta abar antzeko. Zankok ezin jasan<sup>15</sup> zituan Kroaziako  
buruzagitza buruzazinoak Yugoslaviaren eta Alderdiaren  
batasunari buruz. Halan be, honeek ez dira besterik, auto-  
jestion sistemaren ondorio logikazkoak baino.

Irrati<sup>16</sup> guztietatik behin ta barriro zabaldu zan, "auzi-  
tegi erritar" baten antzeko Parlamentuko jardunaldiaren  
ondoren, Zanko deskargututa dagoala, kalean. Kontserba-  
dore eta stalinista izatea ta bere Alderdiko batasun ta di-  
ziplinari kalte egitea leporatu deutsoe. Ta *unitarismoa!*  
Salakuntza hau barria da komunisten akusazino-zerrenda  
ohiturazko ta monotonoetan. Baina hauxe izan da kroa-  
ziarrak gehien ta gogorkien erabilitako salaketa.

Ezin esan zer jazoko dan. Zanko ez dago lagun barik,  
eta Titok laguntasuna agindu deusola entzuten da. "Borba"  
isilik lotu da, Zanko egunkari<sup>17</sup> honen zuzendaritzakoa izan  
arren. Indarrak bananduta geratu dira. Kolpea, halan be,  
unerik egokienean emonda dago; eta Kroaziako Alderdi Ko-  
munistak laster eukiko ditu amaituta Zankoren kontuak.

Hala ta guztiz be, kroaziar komunistak ondo dinoe, ez  
dirala gorabehera pertsonaltzat artu behar auziok. Kroaziar  
buruzagitza ustez, kontserbadoreak eta unitaristak erre-  
forma torpedeatzeko konspirazino bat egiten ari<sup>18</sup> dira. Eta  
Zanko, Kroaziako Alderdi Komunistaren buruzagitza iraul-  
tzeko lanetan ebilela dirudi. Horregaitik, erreforma hau  
guztiz aurrera eragiteko urtea bihurtu gura dabe barriz-  
ta-zaleak 1970. Ekonomiako molde-barriztapenagaz kon-  
pondu ezinezkoa baiteritxoe<sup>19</sup> erdikoikeriari, zentralismoa-  
ri, ta honen ideologiazko oinarri dan unitarismoari.

Jose Azurmendi

# ONGARRI Pentzuak

SARB - en ardurapean eratuak

Pentsatu ondo ta pentsatu ondo zure ganadua.  
Burubako egina, alperreko ekina.  
ONGARRI-k, barriz, buruz egiten ditu pentsuak.  
ONGARRI pentsuak ezagutzen ez badozuz, probatu eizuz.

Egazti, txarri, koneju, txahal gazte, esne-behi, aragitako  
txahal: danentzako pentsuak, bakoitzari dagokiozanak. Bai-  
ta ALIVO esne autsa be txahal txikiatzat.

Eskatu gure banatzaileari edo zuzenbide hontera:

# ONGARRI, S. A.

piensos compuestos

Valle de ACHONDO (Vizcaya) - Telefono 11